


聖賢像贊

第四帙



漢書門		八九三	函	架	冊
		一六三	號	類	

內閣文庫		八九三	函	架	冊
		五	號	類	

內閣文庫		番號	漢	8933
		冊數	6	(4)
		函號	290	52



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





先賢鄒子諱單字子家衛人



東廡十八

鉅鹿鄙野良材萬生
往植聖圃維國之楨
辟彼松柏歲寒逾榮
銅鞮封伯壽贈聊城



高增謹識



先賢罕父子諱黑字子索魯人



東廡十九

世有聖人賢士之幸
至道探源如井得綆
幽之元元顯之炳炳
惟罕父子恒以自省

高增謹識

先賢榮子諱旂字子祺魯人



東廡二十

務期正學薦實光華
美譽洋溢令聞滂葩
穫以秋實發以春花
實大可喜花芬亦佳

高增謹識

先賢左子諱人郢字行魯人




東廡二十一

賢哉左子心悅聖道
希踪十哲同升堂奧
文名遐播至行克蹈
秀穎之才精詣深造

高增謹識

先賢鄭子諱國字子徒宋人



二十二

宋國有賢遊於聃門
心會微旨耳聆至言
服膺弗失目擊道存
滎陽錫爵人以德尊

高增謹識

先賢原子諱亢字籍魯人



東廡
十三

萊蕪之賢與憲孰愈
彼生于宋此產于魯
俱得聖人亦規亦矩
俎豆分榮馨香千古

高增謹識

先賢廉子諱潔字子庸衛人



東廡二十四

涵泳聖教杏壇從容
褒然洙泗蔚為儒宗
夏瑚商璉金鐘大鏞
參列其間奕弈熊熊

高增謹識

先賢叔仲子諱會字子期魯人



東廡二十五

公族之裔華胄擅美
相並孔璇允稱良士
二人執筆同侍闕里
少成習慣見許夫子

高增謹識

先賢公西子諱輿如字子上魯人



東廡二十六

公西多賢吾道不孤
一嫻賓客一嫻詩書
優入聖域文德誕敷
重邱有贈進齋臨朐

高增謹識

先賢邾子諱異字子欽魯人




東廡二十七

明珠在蚌美玉在璞
明珠待剖美玉待琢
剖之琢之光耀卓犖
亦惟邾子圓珠潤玉

高增謹識

先賢陳子諱亢字子禽陳人




東廡二十八

有蓄必思有疑必問
質難不已通乎聖蘊
徑寸克虛大道不隱
問一得三泚于庭訊

高增謹識

先賢琴子諱宇字子開衛人



東廡二十九

遊於方外死歌嗟來
生前莫送耦俱無猜
相彼狂士其才恢恢
聖之所思以挽風頽

高增謹識

先賢步叔子諱乘字子車齊人




東廡三十

自齊而來親炙聖教
剖析微言扶樹道妙
唯諾趨承受言以貌
惟其體之是則是微

高增謹識

先賢秦子諱非字子之魯人



東廡三十一

克贊素王允稱素臣
樂善不倦慕道以誠
垂聲名教執德且純
千秋崇祀爵贈華亭

高增謹識

先賢顏子諱噲字子聲魯人



東廡三十二

摳衣駢門領袖儒雅
賢業精醇美才瀟灑
加以琢磨得諸陶冶
斯以成器瑚璉不下

高增謹識

先賢顏子諱何字子冉魯人




東廡三十三

顏氏世德孝弟家風
說詩娓娓執禮雍雍
承聖人誨惟德是崇
升堂入室陋巷追蹤

高增謹識

先賢縣子諱亶字子象



東廡三十四

縣子問禮徵於檀弓
三千三百嫺習從容
麇典不及亶單混蒙
祀典式廓嘉善從同

高增謹識

